



**Tractatus Exegeticus Ad Librum III. Decretalium Gregorii
IX. Contractus in specie secundum rubricarum ordinem
exponens**

Scharz, Oddo

Salisburgi, 1738

§. I. Origo Precarium inquiritur, & nativa hujus Contractus indoles
depingitur.

[urn:nbn:de:hbz:466:1-63816](#)

venitur, vel ipsæ saltem Ecclesiæ obligantur, agere instituimus. Hos inter primo loco se offert Contractus Precariarum, & Precarii. Ille Juri Canonico proprius, hic utriusque Juri communis est. Panormit. ad cap. 1. b. t. num. 1. Quamquam & prioris quædam vestigia in l. 14. §. 5. C. de SS. Eccles. & Nov. 7. cap. 4. reperiri non nesciamus. Sit igitur

§. I.

Origo Precarium inquiritur, & nativa hujus Contractus indoles depingitur.

S U M M A R I A.

1. *Precarie, & Precaria solo numero, non significatione discrepant, 2. à precibus hoc nomen sortiuntur. 3. Invaluerunt sub finem Seculi V. 4. Precarie describuntur, & singulæ definitionis particule declarantur. 5. Ad Constitutionem precariarum requiruntur solennitates ad alienandum præscriptæ, non etiam ad renovationem. 6. Renovatio quinquennialis ineſt huic Contractui de sui natura. 7. Renovationem petere negligens precista cadit suo jure. 8. Precarie regulariter ante elapsum conventionis tempus revocari nequeant. 9. Precista tenetur ad culpam levissimam. 10. Oritur ex hoc Contractu actio de Precariis.*

Contractus Precariarum etiam singulari numero effertur, nec quidquam discriminis est (contrà quam sensit Hostiensis in Summa hic) sive Precariam, sive Precarias dixeris. Panormit. ad cap. 1. b. t. num. 3. Et tamen de causa Rubricam b. t. in numero plurali fuisse conceptam existimamus, quod de diversis Contractibus Precarie, & Precarii sub b. t. simul agatur, & quod illius renovatio crebrius, scilicet de quinquennio in quinqueannium fieri debat, ut infra dicetur.

2. *Precarie à precibus sic dictæ, erant species cuiusdam antidoralis beneficii, quo Ecclesia de se bene meritos afficere solebat; quodsi enim quis agros suos liberali donatione in Ecclesiam contu-*

lisset, retento sibi usufructu, Ecclesia in vicem gratitudinis de aliis prædiis suis duplo pluribus usumfructum, quoad donator superstes esset, eidem concessit: quodsi vero donator usque adeò liberalis extitisset, ut rei donatæ unacum proprietate usumfructum Ecclesia cederet, eidem vicissim ex aliis bonis Ecclesia in quantitate triplo maiore usufructus ad dies vitæ constituebatur. Ut constat ex cap. 4. C. 10. Q. 2. Ne vero hujus beneficii memoria intercideret, ipsique usufructuarii ex temporis diuturnitate quasi titulo præscriptionis tuti, ipsam quoque proprietatem ad se raperent, cautum fuit in Concilio Belvacensi, & Toletano VI. ut ejusmodi precarie de quinquennio

C 3

in

in quinquenium à preciis renovantur, ut patet ex cap. 5. cit. C. & Q. & cap. 64. C. Q. 2.

Preciarum harum usum sub finem Sæculi V. invaluisse, perhibet Cabassius in *Notit. Histor. Eccles. Sæcul. V.* pag. 254. num. 22. ansam præbente nobili illa victoria, quam Ludovicus Imperator Anno 499. (ut refert Baronius) de Germanis reportavit; eo quippe tempore (sunt verba Gonzalezii ad cap. 1. b.t. num. 5.) fideles in gratiarum actionem ferè omnia bona sua Ecclesiae obtulerunt, & postea, ne egestate labo-rarent, ab Ecclesia precibus impetrabant, ut earum, vel aliarum rerum usu-fructu eis uti liceret, quem etiam Ecclesia facile concedebat. Aliam *Preciarum* originem assignat Gibalinus de usu-ris lib. 4. cap. 2. artic. 2. eamque laicorum rapacitati adscribit, qui (ut erat illorum temporum iniquitas) bona Ecclesiastica propria autoritate occupaverat, quorum recuperandorum cum spes vix ulla appareret, consultius Ecclesiae usum est, bona illa laicis quidem relinquere, sed commendata, & in beneficium, cum obligatione census annui, aliisve conditionibus infra referendis, per Contractum, quem *Precariam* vocabant. Prolixorem Historiam de *Preciarum* usu, & abusu recenset Thomassinus *Vet. & Nov. discipl. Eccles.* tom. 2. part. 2. lib. 3. cap. 22. & tom. 3. l. 1. cap. 8. jam lubet earum definitio-nem adornare.

Precarias igitur rectè descriperis, quod sint Contractus realis, nominatus, bilateralis, à Jure Canonico intro-ductus, quo alicui res Ecclesiastica im-mobilis vel in perpetuum, vel ad dies vitæ, aut aliud tempus longum, vel

breve ea lege conceditur, ut singulis quinquenniis renovatio concessionis petatur. Gloss. & DD. communiter in cap. 1. b.t.

Dixi I. *Contractus realis*, quia ad-instar *commodati* rei traditione perfici-tur.

Dixi II. *Nominatus, bilateralis*, ha-bet enim peculiare nomen sibi à Jure Canonico inditum, & tam conceden-tem precarias, quām recipientem one-rat, illum quidem, ne ante tempus con-ventum res concessas revocet, istum, ut de quinquennio in quinquennium pre-ces suas renovet. cap. 6. C. 10. Q. 2. ne-que cogat, aut cogendum curet, à quo precarias vult recipere. cap. 5. C. 10. Q. 2.

Dixi III. à *Jure Canonico introductus*. Jus quippe Civile antiquum hujus Con-tractus nullam mentionem facit, idque ex hac fortè causa factum fuisse, existi-mat Panormit. ad cap. 1. b.t. n. 3. quod *precarie* non multum differant ab aliis Contraictibus Jure Civili inventis: in Jure quidem Noviori, videlicet in l. 14. §. 5. C. de SS. Eccles. & Novell. 7. cap. 4. *Precariarium* aliquod vestigium depre-hendere est, quæ *Præstariae* ibidem ap-pellantur; attamen, ut notat Gonzalez ad cap. 1. b.t. num. 4. in fin. inter *præstarias*, & *precarias* (quanquam hæc vocabula nonnunquam confusa fuisse constet) hæc est differentia, quod, quando res Ecclesiæ minus utiles, vel minusculæ, salvo Jure Ecclesiæ, in usum *præstabuntur*, ejusmodi concessiones dictæ sint *Præstariae*, sin verò ad preces petitoris sub certis conditionibus, quas is se adimpleturum spoноderat, con-cedebatur, *Precarie* audiebant.

Dixi IV. Quo alicui &c. Clericus, aut

aut Laicus is fuerit, nihil refert; quia in cap. 72. C. 12. Q. 2. juxta emendationem Gregorianam & Clerici, & aliæ quacunque personæ hujus beneficij capaces existunt. Gonzalez ad cap. 1. b. t. num. 6.

Dixi V. *Res Ecclesiastica immobilis. Res mobiles objectum preciarum esse nequeunt, sed possessiones duntaxat, ut putat fundus, aut alia res frugifera cap. 2. §. 11. cap. 4. C. 10. Q. 2.*

Dixi VI. *In perpetuum, vel ad dies vite Sc. olim quidem, si is, qui precarias rogavit, res suas Ecclesia donavit, ad dies vitae: sin autem Ecclesia aliunde comparavit, ad quinquennium, vel aliud certum tempus precariae concedebantur: hodiè terminus hic arbitrarius est, quo usque nempe inter dantem, & accipientem convénit. Magnif. P. König b. tit. num. 5. In perpetuum tamen, ne precariae posthac concedentur, à Joanne IX. in Synodo Ravennæ Anno 904. & à Gregorio VII. & Urbano II. Anno 1096. in Concilio Turonensi prohibitum, similique constitutum fuit, ut de quinquennio in quinquennium renovarentur, ut ita nunquam possent perpetuae præsumi. Gonzalez ad cap. 1. b. t. num. 10.*

Dixi VIII. *Ea lege, ut singulis quinqueniiis renovatio Sc. quibus particulis precariae ab omnibus affinibus contractibus, precario, commodato, emphyteusi Sc. distinguuntur. Magnif. P. Schmier lib. 3. Tract. 3. cap. 3. n. 173.*

Quæres I. An ad constitutionem preciarum requisitæ ad alienationem de jure solemnitates intervenire debeant, & an itidem ad renovationem earundem? Respondeo, quo ad pri-
mum membrum affirmativè. Textus

in cap. 44. C. 12. Q. 2. & ratio est, quod precariae, cùm plerumque gratuitæ sint, donationem contineant, quæ sine justa causa, & debita solennitate fieri nequit cap. 1. de bis, que sunt à Prelat. cap. 1. de Donat. cap. 1. de reb. Eccles. alienand. Quod eo quoque casu procedit, si merces (quām absolutè precariae non respuunt) à precista solvenda sit. Gonzalez ad cap. 1. b. t. n. 7. Quo ad secundum membrum nego, soleunitatem desiderari, quia renovatio preciarum non est nova concessio, nec viam iis tribuit, sed eum duntaxat in finem adhibetur, ut ne beneficii memoria ex diuturnitate oblitteretur, & ut facilior factæ concessionis memoria haberi possit. Vid. Grannanetto ad cap. 1. b. t. n. 6. Gonzalez cit. l.

Quæres II. An renovatio de quinq-
uennio in quinquenium facienda huic contractui ex ipsa natura insit, ita, ut obliget precistam, tametsi de ea in con-
cessione preciarum inter partes nihil actum fuerit? Respondeo cum Zoëlio & aliis contra Panormit. b. t. n. 2. affir-
mativè. Nec obstat, quod Pontifex in cap. 1. b. t. & cap. 5. C. 10. Q. 2. dicat, hanc renovationem de quinquen-
nio in quinquenium solum secundum consuetudinem fieri debere: ergo ubi consuetudo non est, nec renovatio fieri debet. Respondeo, Pontificem ibi-
dem loqui de consuetudine universalí,
non particulari, & consequenter ad in-
star legis, ubique obligante.

Quæres III. An, si precista quin-
quennio elapsa, negligat petere reno-
vationem, cadat jure suo; num verò
contractus preciarum censeatur tacitè renovatus? Rationem dubitandi sug-
gerit l. 4. §. 4. ff. de Precar. l. 13. §. ult.
ff.

f. Locat. l. 16. C. eod. ubi precarium & locatio post lapsum temporis, si dominus rem precasto concessam, aut locatam non revocaverit, tacite renovata esse dicitur: ergo idem in simili de contractu *precariarum dicendum*. Attamen contrarium nobis suadetur, cum paritate à feudo desumpta *tit. 24.* *f. 1. feud. 2.* ubi vasallus intra tempus legitimum novam feudi investituram petere negligens, jure suo cadere dicitur: tum ratione, quod ad hoc, ut contractus preciarum ultra quinquennium sine nova renovatione valeat, ne quidem expressus consensus sufficiat: ergo tanto minus sufficiet tacitus. Ad textus oppositos respondetur. Et quidem ad *l. 4. f. 4. ff. de Precar.* quod *precarium* sit negotium longè diversum à *precasto*; à diversis autem ad diversa bonum non ducitur argumentum *Arg. l. 20. princ. ff. de Min.* Præterea *Precarie* renovatio exigitur, quia domini memoria perire potest, cùm ejusmodi res quasi communiter possessæ facile neglegi præsumantur: *Naturale quippe vitium est, negligi, quod communiter possidetur. l. 2. C. Quando, & quibus quartas &c.* Econtra hoc periculum non versatur in precasto, cùm dominus adhuc dicatur rem possidere alteri precasto concessam, qui non præsumit in rebus propriis prodigendis esse supinus *l. 25. ff. de Probat.* Quæ responsio etiam ad reliquos binos textus aptari potest, hoc addito, quod etiam in locatione, si desideretur *Scriptura*, vel alia solennitas, tacita renovatio non sufficiat *l. 13. in fin. ff. Locat.* Unde nec in precariis sufficiet patientia *Prælati* ultra quinquennium concedere volentis, quoniam de natura hujus contra-

ctus est, ut ex parte quoque petenti factum aliquod ponatur, videlicet precastarum renovatio.

Quæres IV. An precastæ, antequam tempus concessionis elapsum sit, revocari possint? Et an poena in casum revocationis vel à primo concedente, vel ab ejus successore solvenda adjici possit? Respondeo ad I. regulariter revocari non posse, uti colligitur ex *cap. 3. in fin. b.t.* nisi forte irrationalibes, aut in damnum Ecclesiæ facta fuissent; quo casu non solum à concedente, sed etiam ejus successore repeti possunt, imò debent, vel per viam nullitatis, si præscriptæ solennitates exhibitæ non fuerint, vel per *restitutionem in integrum*. Ad II. dico, posse quidem contractui ejusmodi valido & rationali poenam conventionalem apponi, eo effectu, ut tam contrahens, quam ejus successores eandem, si precastas præproperè revocent, solvere teneantur per *cap. 2. b. tit. cap. 4. & 9. de arbitr.* si vero Contractus irrationalibilis, aut in damnum Ecclesiæ vergat, nec contractus, utpote jure resistente initus, valet, nec poena adjecta, tanquam quid accessorium obligabit, ut habetur *tit. cap. 2. b. tit.* Secus dicendum, si jus contractui nec assistat, nec resistat, hoc est, si Contractus non sit contra Jus, sed præter Jus, tunc enim appositio poena valet, et si Contractus non subsistat *Arg. l. 38. f. aliter ff. de V.O.* Panormit ad *cap. 2. b. t. num. 4.* Layman. ibidem num. 2.

Quæres V. Ad quam culpam precastias accipiens teneatur? & qua actio ex hoc Contracto nascatur? Respondeo ad I. eundem (si merces non intervenierit) teneri ad culpam levissimam, ex Re-

Regulis generalibus, quas de gradibus culparum in singulis Contractibus præstandis in Lib. I. ad Tit. de Pact. §. 6. 20 num. 49. assignavimus. Ad II. dico, actionem suum fortiri nomen ex Contractu; adeoque vocari actionem de Precariis, quia regulare est, quod actiones, ex Contractibus nominatis competentes, assumant nomen sui Contractus, ut actio commodati, depositi &c. Porro actio hæc duplex est, alia directa, quæ competit Ecclesiæ, Precarias con-

§. II.

Precarii natura, & indoles exponitur.

SUMMARIUM.

11. *Precarium describitur, pro cuius Declaratione tria Corollaria subjunguntur.* 12. Non est de essentia Precarii, ut ad preces petentis constituantur. 13. An precarium Contractibus sit accensendum, aliorum opinione referuntur. 14. Nos eidem bunc honorem negamus. 15. Sed vagum quoddam negotium, ad donationes proximè accedens, esse dicimus. 16. 17. Quinam precarium constituere, & accipere possint? 18. Et in quibus rebus? 19. Quæ obligatio precarium accipienti comitetur? 20. Remedia, quæ precarium constituenti competent, recensentur. 21. Precarium finitur quinque modis,

Precarium cum Precariis, & commodato convenire videtur, in pluribus tamen discrepat, ut inferioris dicitur, agitur de eo in cap. 3. b. t. & tit. ff. de Precario. & describitur, quod sit concessio gratuita usus alicujus rei ad preces alterius facta, ea lege, ut ad nutum, & libitum concedentis restituatur. Vel, si lubet verbis Ulpiani in l. 1. princ. ff. b. t. illud describere: *Precarium est, quod precibus petenti utendum conceditur tamdiu, quamdiu is, qui concessit, patitur.* Ex qua definitione tria colliges, I. quod *Precarium mercedem reputat, cum sit quidam actus liberalita-*

tis l. 1. §. 1. ff. b. t. & donationi admodum propinquus, nisi quod in hac, si accedat traditio, transferatur dominium, in illo solus usus cum facultate remi, quandocunque libuerit, revocandi: cit. l. 1. §. 2. II. *Precarium ita constitui debet, ut usus rei nec quo ad modum, finem, aut tempus determinetur, l. 12. princ. ff. b. t. & per hoc discrepat à Precariis & commodato, in quibus usus rei certo tempori, aut modo alligatus est cap. 1. de Precar. & l. 1. §. 3. ff. b. t.* III. *Precarium omni momento debet esse revocabile l. 1. §. 2. l. 2. §. 2. princ. l. 15. princ. ff. b. t. quod secus ac-*

(D)

cidit